

Xojon carta-la San Pablo xi kiskii-la xita naxandá-la Cristo xi títsajna Colosas

*Kó tsò Pablo nga síhixat'aà jñà xita naxandá-la
Cristo xi títsajna Colosas*

¹⁻² Jñò xi xita naxandá-la Cristo 'mì-nò xi ján títsajnaà naxandá Colosas nga kixi onguít'aà-là Cristo, 'an xi Pablo 'mì-na kò 'ndsè Timoteo títsanìhixot'aà-nòjen nga 'an tsibíxáya-na Jesucristo nga k'oas'ín kjòmejèn-la Nainá. Nainá xi Nà'èn-ná, kò jè Jesucristo xi otíxoma-ná kàtatsjá-nò kjondaà kò kjoa'nchán ya jjiin inima-nò.

Kó tsò Pablo nga tsjá-la kjondaà Nainá

³ Kjit'aà naxrjein k'e nga nokjoàt'aà-lajen Nainá xi it'aà tsajòn, 'biì-lajen kjondaà Nainá xi Nà'èn-la Jesucristo jè xi otíxoma-ná. ⁴ Koií kjoa-la ngajen jyeé k'oas'ín kina'yà-jen nga ndaà mokjeín-nò it'aà ts'e Cristo Jesús. Tikoà matsjacha ngats'ì xita-la Nainá. ⁵ Koií k'oas'ín 'nè-nò nga títsachiñá-là nga tjoé-nò kjondaà xi tíjnatjò-la Nainá ján ngajmii; koni s'ín kjòchiya-nò k'e nga kina'yà 'én ndaà-la Nainá xi kjoa ts'e Cristo xi nguì kjoakixi. ⁶ Tijè-ne jè 'én ndaà-la Nainá xi kjoa ts'e Cristo xi jye k'oas'ín kina'yà, 'ñó tínokjoáya nga títsa isò'nde kò 'ñó kjìn xita nchifatjìya-la kjohítsjeèn-la koni s'ín komàt'ioòn jñò k'e nga jahatjìya-la kjohítsjeèn-nò nga jahas'en-jiin-nò kjondaà-la Nainá xi nguì kjoakixi. ⁷ K'oáá s'ín

tsakóya-nò Epafras jè x̄it̄a xi matsjacha-jen nga taña nìxákjoð-jen it'aà ts'e Nainá; nga jè Epafras, jngoð chí'nda-là Cristo xi kixi sixá xi it'aà tsajón. ⁸Jyeé tsibénoj mí-najen nga jè Inima Tsjeè-là Nainá síkítsjeèn-nò nga ndaà matsjacha x̄it̄a.

⁹K'e nga kina'yà-jen, mìkiì nìjchàajìin-jen nga bìtsi'batjì-nòjen. K'oaá s'ín nìjèt'aà-lajen Nainá nga nguì ndaà kàtasíchiya-nò koni s'ín mejèn-là jè; jè Inima Tsjeè-là kàtatsjá-nò kjohítsjeèn kò kjoachjine. ¹⁰Tikoaá nìjèt'aà-lajen nga k'oas'ín t̄ijchá yijo-nò koni s'ín ok'in-là nga s̄ijchá yijo-là xi x̄it̄a-là Nainá, nga kjit'aà nachrjein k'oas'ín t'een koni s'ín mejèn-là, nga k'oas'ín t'een ngats'ii kjoa xi ndaà t̄jín kò nga isa ndaà jchaxkon yá-né xi Nainá. ¹¹K'oaá t̄is'ín nìjèt'aà-lajen Nainá nga tse ngañó kàtatsjá-nò koni s'ín t̄jín ngañó-là xi mìkiì fehet'aà, mé-ne nga kixi k̄itsajna-nò n̄it̄a mé kjoa xi sakò-nò, t̄ikoa s'e-nò kjoatsejta kò kjotsja. ¹²Tjii-là kjondaà Na'èn-ná nga jè kisikítsajnandaà-nò nga t̄ikoa tjoé-nò kjotjò xi jè jye t̄jindaà-là ján ngajmii ñánda iseèn choòn nga tsjá-là ngats'ii x̄it̄a-là xi ya chja-ne naxandá-là Nainá. ¹³Nainá kisikítsajnadejì-ná it'aà ts'e ngañó-là x̄it̄a nejí jè xi otíxoma ñánda j̄nò choòn; yaá kisikítsajna-ná ñánda tíhotíxoma Ki'ndí-là xi 'ñó matsjakeè, ¹⁴jè xi kò jnì-là tsibíchjítjì-ná nga kisikítsajnadejì-ná t̄ikoa kisijchàat'aà-ná jé-ná.

Jè Cristo t̄jna ítjòn-là ngats'ii xi tsejèn kò xi mìkiì tsejèn

¹⁵Ni s̄aá jngoð x̄it̄a beèxkon Nainá tanga jè Ki'ndí-là tsakó-là x̄it̄a yá-ne xi Nainá. Nga jè Ki'ndí-là xi t̄jna ítjòn-là ngats'ii xi kisindaà isò'nde.

16 Nga kò Cristo, Nainá tsibíndaà yije xi t́jín nga-jm̀i kò xi t́jín i ìt'aà nangui, xi tsejèn kò xi mìkì tsejèn, ngats'ìi nga'ńó xi t́jín j̀j̀iìn isén, xi t́tsajna ítjòn, xi otíxoma, xi xá ítjòn t́jín-la, kò j̀nà nga'ńó xi mìkì tsejèn-ná; ìt'aà ts'eé Cristo kisindaà yije-ne kò ts'e-né. 17 Cristo, isáá kjòtseé t́jna mì k'oa-ne ngats'ìi tsojm̀i xi t́jín, kò jè tsjá-la nga'ńó ngats'ìi tsojm̀i mé-ne nga ndaà kítajna-ne. 18 Jè Cristo t́jna skò-la naxandá-la nga t́jè-ne yijo-la kò ìt'aà ts'eé kjòts'ia-ne. K'e nga jaáya-la Cristo ìt'aà ts'e kjoabiyaà, jè tsibìjna ítjòn-la ìt'aà ts'e xita xi faáya-la mé-ne nga jè ḱjna ítjòn-la nita mé xi t́jín. 19 Nainá k'oaá s'ín kisaseèn-la nga jngoò k'aá ya tsibìjnajiìn yijo-la Cristo, 20 nga ìt'aà ts'eé Cristo, Nainá tsajoóndaà kò yije-ne ngats'ìi xi t́jín isò'nde kò xi t́jín ngajm̀i; ìt'aà ts'e jní-la Jesucristo xi kixíxteèn ján ìt'aà krò, Nainá kisikijne 'nchán kjoa.

21 J̀nò, nga sa ítjòn, t́kooá titsajnat'aàxìn-la Nainá; kondraá tsanguì-là ya j̀j̀iìn inima-nò, koií kjoa-la nga ch'o t́jín kjoa xi ki'nè. 22 Tanga i'ndeì jyeé ndaà tsajoóko-nò Nainá koií kjoa-la jè kjo'in xi kisikjeiín Cristo i ìt'aà nangui k'e nga k'en. Koií k'oas'ín kis'iìn-ne mé-ne nga tsjeè kítajnaà-nò, kò nímé jé xi s'e-nò kò nímé xi ch'o kítjõnguio nga nguixkõn Nainá. 23 Kjoa koi mochjeén-né nga kixi t́tsajnakoo koni s'ín mokjeiín-nò. Kò kì binchat'aàxìn-là kjoa xi t́tsachiñà-là ìt'aà ts'e 'én ndaà-la Nainá xi kjoa ts'e Cristo, 'én xi jye kina'ya-là. Jè 'én jè, xkì xi ján t́nokjoàyajììn-la xita kóhokji isò'nde; kò 'an xi 'mì-na Pablo, 'aán kjòngatsja nga okoòya 'én.

Xá-la Pablo

24 I'ndeḡ matsjaá-na nga kjo'in tìsìkjaán xi kjoa tsajòn nga k'oaá s'ín tísìjngoàà ijìnn yijo-na konì s'ín chijat'aà-na kjo'in xi kitsjaà-na Cristo xi kjondaà ts'e naxandá-la nga tìjé-ne yijo-la. 25 'Aán tísìkjeén-na Nainá nga 'an tìsìxákoaa naxandá-la, xá xi kisìngatsja-na xi kjondaà tsajòn nga ngui ndaà kènojmiá 'én ndaà-la, 26 jè 'én xi tìjna'ma-la Nainá nga tìsa tàts'en-la kjoa, tanga nàchrjein i'ndeḡ, Nainá jyeé tsakó-la xita-la. 27 Jè Nainá k'oaá s'ín kjòmejèn-la nga tsakó-la jñà xita-la kó s'ín tìjn kjoa'ma-la xi 'ñó jeya tìjna xi kjondaà ts'e xi mìtsà xita judío. Jè kjoa'ma, jè-né nga jè Cristo tìjnajiinn inìma-nò jñò xi mìtsà xita judío 'mì-nò, k'oaá ma-ne nga tìtsachiñà-là jñò kjoajeya-la Nainá xi tsjá-nò ján ngajmii.

28 K'oaá s'ín nokjoàyajìnn-lajen ngats'iì xita it'aà ts'e Cristo; 'ñó nokjoàko-jen nga ngui kò kjoachjine okoòya-lajen mé-ne nga ngats'iì xita xi fit'aà-la Cristo nìmé chijat'aà-la jè nàchrjein k'e nga ngajen sìngatsja-jen nga nguixkon Nainá. 29 K'oaá ma-ne nga 'ñó tìbínè-la yijo-na nga tìsìxá, tìsìkjeén jè nga'ñó xi tsjá-na Cristo.

2

1 Mejèn-na nga ndaà kàtasjìnn-nò, nga 'ñó tìkjaàn-tji-nò it'aà tsajòn kò jñà xita-la Cristo xi tìtsajna ján naxandá Laodicea, kò it'aà ts'e ngats'iì xita xi kj'eè kii beèxkon-na. 2 Koiì k'oa's'ín tìkjaàn-tji-nò mé-ne nga kàtas'e-la nga'ñó inìma-nò kò mé-ne nga jè kjòtsjacha xi tìjn-nò sìikìtsajnajtìnn-nò. Jè xi mejèn-na nga isà ndaà kokixi kjohìtsjeèn-nò nga ngui ndaà kochiya-nò jè kjoa xi tìjì'ma-la Nainá xi Na'èn-ná. Jè kjoa'ma

jè, jè-né Cristo. ³ Nga ta jè Cristo tjin-la ngats'ii kjohítsjeèn ko kjoachjine xi 'ño chjí-la. ⁴ Koií k'oas'ín tixan-nò nga mì yá xi skónachan-nò nga siikjeèn 'én xi ndaà tsò tanga mìtsà 'én kixi. ⁵ Nas'ín mìtsà ya tijnako-nò, tanga inima-na tìsikítsjeèn kjit'aà-nò. Matsjaá-na nga tì'be nga kixi tìtsajtiòn koni s'ín onguíkoo yijo-nò tìkoa kixi tìtsajnaà nga mokjeiin-nò it'aà ts'e Cristo.

Kjondaà xi tjin-ná nga Cristo tìtsajnaoá

⁶ Koni s'ín kòkjeiin-nò it'aà ts'e Jesucristo xi otíxoma-nò, k'oáá tìs'ín kixi tìtjít'aà kjit'aà-là ⁷ koni jngoò yá xi nanga fi ima-la ko koni jngoò ni'ya xi tìsindaàsòn-isa nga kàtakixiya jè kjoa xi mokjeiin-nò koni s'ín kichìta'ya; ko tjiì kjit'aà-là kjondaà Nainá.

⁸ Tìkindaa yijo-nò nga mì jña skónachan-nò xita xi 'én ndiso chja xi ni mé chjí-la. Jña kjohítsjeèn koi, tà yaá nchrobá-ne it'aà ts'e xi taxki xita koni tsò kjotíxoma xi tjin isò'nde, mìtsà kjotíxoma ts'e Cristo.

⁹ Yaá tijnajin yijo-la Cristo yá-ne xi nguì jè sobà Nainá nga nímé chijat'aà-la. ¹⁰ Nga Cristo tìtsajnakoo, tjin yije-nò nita mé xi mochjeèn-nò. Jè Cristo otíxoma-la ngats'ii nga'ño ko kjotíxoma xi mìkiì tsejèn. ¹¹ Tìkoaá it'aà ts'e Cristo kisit'aà chiba-nò kjoa ts'e circuncisión, tanga mìtsà jè xi tsja xita bít'aà chiba-la yijo-ná, jè-né nga jè Cristo tsibít'aà chiba-la inima-nò k'e nga jaàxìn jé xi tjin-la yijo jé-nò. ¹² Tìkoa k'e nga komà bautizar, k'oáá ngaya-la koni tsà ya kisihijin-t'aà-là Cristo xi kjoa ts'e jé-nò. K'oáá tìs'ín jaáya-nò koni s'ín jaáya-la Cristo koií kjoa-la nga mokjeiin-nò nga'ño xi tjin-la Nainá nga komà kiskimittjen Cristo it'aà ts'e kjoa biyaà. ¹³ Jño, nga sa ítjòn, tìtsajnaà

k'en-nò it'aà ts'e Nainá koi kjoa-là jé-nò nga jè Cristo k'j'eè kii bí't'aà chiba-là iníma-nò nga faáxìn jé xi t'jín-là yijo jé-nò. Tanga i'ndei, Nainá jyeé kisikítsajnakon-nò kò Cristo nga kisijchàat'aà-nò ngats'iì jé-nò. ¹⁴ K'oaá ngaya-là koni tsà jye kisikjeheya-ne xojon xi kitjámii'nga xi kondra tsaján. Jaàxìn-ne, yaá tsohójnat'aà krò ñánda k'en-t'aà Cristo. ¹⁵ Jñà nga'ño xi t'jín ijìn isén kò ngats'iì xi otixoma, Nainá jaàxìn yije-là nga'ño-là. Yaá kisikijne-là k'e nga jè Cristo k'en-t'aà krò. Kò ngats'iì xita, yaá kijtseè nga kisichja.

Kjotixoma-là xita xi mì kii fit'aà-là Cristo

¹⁶ K'oaá ma-ne jñò, kii kii nìs'in-là xita xi chjajno-nò nga tsò-nò nga mìkii nìkitasòn kjoa ts'e tsojmi xi chine, xi 'yò, kjoa ts'e s'eí xi bitjo, kjoa ts'e nga otsejèn xitse òngòò k'a sá, kò ts'e nachrjein nìkjáya. ¹⁷ Ngats'iì kjoa koi, k'oaá ngaya-là koni tà 'nguién-laá kjoa xi iskan j'iì; tanga jè xi ngui kjoa kixi, jè Cristo. ¹⁸ Kii kii bìl'nde nga faáxìn-nò jè kjondaà xi jye titsajnajñoò jñà xita xi beèxkón àkjale; k'oaá tsò-là yijo-là nga mìtsà xita 'nga ikon. Jè xi mejèn-là nga jñò k'oa tìs'in s'een. Jñà xita koi tsò-né nga inga nijña kis'enojmí-là kjoa jè, kò 'ño 'nga síkítsajna yijo-là xi ta kjohítsjeèn ts'e, tanga nímé chjí-là. ¹⁹ Xita koi mìtsà ya ndaà fit'aà-là Cristo. Nga jè Cristo tíjna sko-là naxandá-là kò jè tsjá-là kjohítsjeèn kò nga'ño kò jè síkítsajnajtín xita-là koni s'in ma yijo-ná nga jñà naxá-ná bítéya nindaà-ná, mé-ne nga ndaà s'ixá-ne naxandá-là Cristo koni s'in mejèn-là Nainá.

²⁰ Jñò, tañaá k'en-koo Cristo, k'oaá ma-ne nga mìkii tì t'jín-de-nò nga jñà s'ikitasòn kjotixoma xi t'jín

isò'nde. ¿Mé-ne tákó k'oas'ín 'nè-nò koni tsà kjoa ts'e isò'nde otíxoma-nò nga nìkitasòn-nò kjotíxoma ²¹ xi tsò: “Kì kii nìkoi tsojmì koi, kì kii chinii, kì ndseii nìkò-ne.”? ²² Jñà kjotíxoma koi, tà ts'eé tsojmì xi chija k'e nga tímochjeén. Tà kjotíxoma ts'e xita-né koni s'ín okóya. ²³ Jñà kjotíxoma koi, k'oaá s'ín 'ya-la koni tsà tjín-la kjoachjine tanga mìtsà kixi kjoa. Nga síjé-ná nga ndaà sikitasoán kjoa xi 'in tjín mé-ne nga ndaà jchaxkoán kjotíxoma xi tjín-la ingo; tikoáá tsò-né nga mochjeén nga mì xita 'nga ikon komaá, kò nga kínè-lá kjo'in yijo-ná. Tanga jñà kjoa koi nímé chjí-la, nga mìkii ma osìkò-ná nga nìkítsajnaá jñà kjoa ch'o xi síjé yijo-ná.

3

¹ Jñà kjoa tinchátsjioè kjondaà xi tjín ngajmii ya náná tjina Cristo nga ya tjínat'aà chrja kixi-la Nainá, koií kjoa-la nga ya jaáyakjoò-nò kò Cristo, ² Koií tìkítsjeèn kjit'aà mé kjoa xi tjín ngajmii, kì koií nìkítsjeèn kjoa xi tjín isò'nde. ³ Nga jñò, jyeé k'en kjoa ts'e isò'nde, kò jè kjoabinachon xitse xi tjín-nò nga ya titsajnakoo Cristo, yaá tjínatjò nga nguixkòn Nainá. ⁴ Jè Cristo, jè-né xi kjoabinachon-nò; k'e nga jè xi kotsejèn lingoò k'a, jñò, tikoáá yaá kotsejèn-koo nga jeya kítsajnaà.

Xi kjoa jchínga kò xi kjoa xitse

⁵ Tìkítsajna kjoa ch'o xi síjé yijo jé-nò xi kjoa ts'e isò'nde: koni jñà kjoa chijngui, kò kjoa tjé kò kjoa ch'o xi sasén-la yijo-nò kò ngats'ii kjoa ch'o xi fahajii-nò, kò nga kjìn tsojmì mejèn-nò. Kjoa jè tìjé-ne koni tsà xkósòn yaxkón. ⁶ Koií kjoa-la nga kjo'in tsjá-la Nainá jñà xita xi mìkii 'nchréñijon-la.

7 Jñò, t̄ikoáá k'oaá t̄jín kjoa xi ki'nè kjòtseé k'e nga ya titsajnajñò kjoa xi ch'o t̄jín. 8 Tanga i'ndeí t̄ikítsajna yije kjoa koi: jñà xi kjoa jti, k̄o jñà xi kjoa ts'en, k̄o jñà kjoa xi ch'o t̄jín, k̄o jñà kjoa xi nokjoàjno-la x̄ita, k̄o jñà 'én xi ch'o tsò nga nokjoà. 9 Kì 'én ndiso nokjoàkoo xinguiòo nga jyeé kich-jaàxìn-là yijo-nò kjoa jchínga-nò k̄o ngats'ìi kjoa xi ki'nè nga s̄a kjòtseé. 10 Jyeé kichjoé xi kjoa x̄itse. Jyeé jahatj̄iya-là kjohítsjeèn-nò. K'oaá s'ín tím̄axitseyá koni k̄i isén-là Nainá xi tsibíndaà-nò skanda kóni nga is̄a ndaà jchaxkòon yá-ne xi Nainá. 11 I'ndeí, mì t̄i k̄i 'nó mochjeén-ne yá-né xi x̄ita griego, o yá-né xi x̄ita judío, yá-né xi t̄jít'aà ch̄iba-là, o yá-né xi kjoa ts'e circuncisión, yá-né xi x̄ita xìn nangui-là k̄o yá x̄ita-ne xi im̄a tím̄ajchá, yá-né xi ch̄i'nda t̄jna'ñó, o yá-né xi t̄jnandeí. Jè Cristo xi is̄a 'nó ch̄jì-là; k̄o jè xi t̄jnajìn in̄ima-là ngats'ìi x̄ita-là.

12 Jñò xi xó k'oa'sín jaàjìn-nò Nainá k̄o xi nguì x̄ita tsjeè-là màà nga ndaà matsjakeè-nò, k'oaá s'ín chjoé xi kjoa x̄itse nga kàtahim̄acha x̄ita; kàtas'e-nò kjondaà; k̄i 'nga matakòn; in-daàkjoa t'een; k̄o kàtas'e-là kjoatsejta in̄ima-nò. 13 Nita mé kjoa xi t̄jín-nò t̄ikjeíin-là xinguiòo, t̄jchàat'aà-là xinguiòo tsà mé kjoa xi ch'o síko-nò. Jñò, k'oaá t̄is'ín t'een, koni s'ín kisikò-nò Cristo nga kisjchàat'aà-nò. 14 Jè xi t̄jna ítjòn ts'e kjoa koi, jè-né nga t̄itsjacha xinguiòo, nga jè kjoatjòcha xi ndaà síkítsajnajt̄ín-ná. 15 Kjoa'nchán-là Cristo ndaà kàtatixoma j̄jìn in̄ima-nò; nga Nainá xó k'oaá s'ín kiichja-nò nga 'nchán k̄itsajnakoo xinguiòo mé-ne nga ta jngoò yijo koma-nò. K̄o mochjeén-né nga

kjit'aà nàchrjein tjiì-là kjondaà Nainá.

¹⁶ Jè 'én-là Cristo 'ñó ndaà kàtasijiin kjit'aà ya jjiin inìma-nò. Takóya-là xinguiqo ko tikixiyaà nga tikjeén kjohítsjeèn xi tjín-là kjoachjine. Tijndá-là Nainá nga tjiì-là kjondaà xi tjiin inìma-nò; tijndá-là sò ts'e salmo, ko sò xi jeya síkíjna Nainá, ko sò xi ya nchrobá-ne ya jjiin inìma-nò. ¹⁷ Ngats'ii 'én xi nokjoà ko ngats'ii xá xi 'nè, it'aà ts'e Jesucristo xi otíxoma-ná koat'een. Ko it'aà ts'e Jesucristo tjiì-là kjondaà Nainá xi Na'èn-ná.

Kjoa xi mochjeén nga sùkitasòn xita-là Cristo

¹⁸ Jñò íchjín xi x'in tjín-nò, nangui titsajna-là x'in-nò koni s'in ok'in-là jña xita-là Cristo. ¹⁹ Jñò xi íchjín tjín-nò, tjòcha jchaa íchjín-nò, kì toòn 'yaà.

²⁰ Jñò xi ixti 'mì-nò, ndaà tìná'yañijon-là xita jchínga-nò, nga jè Nainá ndaà sasén-là kjoa koi.

²¹ Jñò xi Na'èn 'mì-nò, kì taxki sù nokjoàko ixti-nò mé-ne nga mì sùkajeèn-là ikon.

²² Jñò xi chj'nda maà, ndaà tikitasòn yije-là nei-nò i it'aà nangui; kì tà k'eé nìxá k'e nga tikotsejèn-nò nga ta jè xi mejèn-nò nga ndaà kitsajnakoo. Nguì koó inìma-nò nga tikitasòn-là koií kjoa-là nga yaxkón Nainá. ²³ Nita mé kjoa xi s'een, nguì koó inìma-nò nga t'een koni tsà it'aà ts'e Na'èn-ná titsanìkitasòn ko mìtsà it'aà ts'e xi taxki xita. ²⁴ Jyee 'yaà nga jè Na'èn-ná Jesucristo tsjá-nò chjí-nò nga tjoé-nò jè kjotjò xi tsjá-nò Nainá nga ixti-là maà koi kjoa-là nga jè titsanixát'aà-là Jesucristo xi otíxoma-nò. ²⁵ Tanga jè xi ch'o tjín kjoa xi s'in, k'oaá s'in kochjí-là koni tjín kjoa ch'o xi s'in. Nainá mìtsà faájiin xita, ngàsòn ngáya fìko ngats'ii.

4

¹ Jñò xi nei-la xá ma, ndaà t̄ikoo jñà x̄ita ch̄i'nda-nò koni s'ín t̄jín xi kjoa kixi, nga jñò 'yaà-nò nga t̄ikoā t̄jín jngoò-nò xi Nei-nò ma ján ngajmiì.

² Kì bìkjoàn-là nga nokjoat'aà-là Nainá; kjit'aà nachrjein titsajnandaà nga t̄inókjoat'aà-là k̄o t̄jii-là kj̄ondaà Nainá. ³ K'oaá t̄is'ín titsi'batjì-nájen, mé-ne jè Nā'èn-ná k̄atatsjá'nde nga k̄oma k̄enojmi-jen 'én-la Cristo xi t̄j'ima-la Nainá nga sa ítjòn; nga koií kjoa-la nga ndayá t̄jnaa'ya.

⁴ Titsi'batjì-ná mé-ne nga s'e-na nga ñó nga ndaà kixi kichjàjiiin-la x̄ita koni s'ín t̄jínè-la nga kichjà.

⁵ Jñò, ndaà t̄ikjeén kjohítsjeèn-nò mé-ne nga ndaà k̄itsajnakoo jñà x̄ita xi mìkiì beèxkon 'én ndaà-la Nainá xi kjoa ts'e Cristo. Ndaà t̄ikjeén nachrjein xi tí'biì-nò nga k̄os'ín t̄ikitasòn. ⁶ K'e nga chikoo x̄ita, jñà 'én t̄inókjoaa xi ndaà tsò k̄o xi ndaà sasén-la mé-ne nga k̄oma s̄ikátji-la 'én xi skonangui-nò.

Kó tsò Pablo nga síhixat'aà x̄ita

⁷ Ngats'ii kjoa xi tímat'ian, jè keènojmi yije-nò jè 'ndseé Tíquico xi 'an 'ñó ndaà matsjake nga jè ndaà síchját'aà-na koā ndaà nìxákjoò-lajen Nainá.

⁸ Koií xá t̄isikasén-nò nga keènojmi-nò xi it'aà tsajen k̄os'ín titsajna-jen k̄o mé-ne nga k̄atatsjá-nò nga'ñó ts'e inima-nò. ⁹ T̄ikoāá ya t̄ibáhjtako Onésimo xi x̄ita tsajòn, xi 'ndsè ma it'aà ts'e Cristo. Nga x̄ita kixi-né k̄o 'ñó matsjacha-jen. Jñà keènojmi-nò mé kjoa xi tíma ijndé.

¹⁰ Jè Aristarco xi taña titsajnaya-jen ndayá, t̄isíhixat'aà-nò. K̄o jè Marcos xi ti x̄ikjín ma Bernabé t̄ikoāá t̄isíhixat'aà-nò. Jyeé kis'enojmi-nò it'aà

ts'e Marcos; tsà ya kijchòkon-nò, t'een kjòndaà ndaà choétjò. ¹¹ Tìkoáá tísíhixat'aà-nò Jesús xi tìkoá Justo 'mì. Tà jñà-né xi xità judío xi mokjeiín-la xi k'oas'ín 'ñó ndaà nchisíxáko-na it'aà ts'e kjotíxoma-la Nainá ko 'ñó ndaà síjehikon-na. ¹² Epafras, xi chí'nda-la Cristo, tìkoáá tísíhixat'aà-nò nga xità tsajòn-nò. Kjit'aà nàchrjein bìtsi'batjì-nò mé-ne nga nguì kixì kítsajnaà koá ndaà kítsajnandaà nga síkitasòn mé xi mejèn-la Nainá. ¹³ 'An, ndaà tìbe nga jè Epafras 'ñó síkájno xi it'aà tsajòn ko it'aà ts'e xità xi títsajna ján naxandá Laodicea ko xi títsajna ján naxandá Hierápolis. ¹⁴ Tísíhixat'aà-nò Lucas jè xi chjìnexkì xi 'ñó matsjacha-jen, tìkoá tísíhixat'aà-nò jè Demas.

¹⁵ Xi it'aà ts'an tìixat'aà-ná jñà 'ndsee xi títsajna ján naxandá Laodicea, ko jè chjoón tichjaá Ninfa, ko ngats'ìi xità naxandá-la Cristo xi ya bixoña ni'ya-la. ¹⁶ K'e nga jye kixkejiìn-la xinguiòo xojòn jè, tìkoáá kàtaxkejiìn-la naxandá-la Cristo xi títsajna ján Laodicea; koá jè xojòn xi ts'e Laodicea tìkoáá tíxkejñò. ¹⁷ Koatìn-la jè Arquipo: kàtasíkitasòn xá xi kitsjaà-la Cristo.

¹⁸ Nga jye tífehèt'aà xojòn jè, koó ndsaa tìkjii-nò 'an xi 'mì-na Pablo, nga tísíhixat'aà-nò. Tìkítsjeèn nga ndayá tìjnà'ya. Jè kàtìjnako-nò kjòndaà-la Nainá. K'oá s'ín kàtama.

'Én-lá Nainá xi kjoa ts'e Jesucristo
New Testament in Mazatec, San Jerónimo Tecóatl
Mazateco de S Jeronimo Tecoatl; maa
(MX:maa:Mazatec, San Jerónimo Tecóatl)

copyright © 2013 Wycliffe Bible Translators, Inc.

Language: Mazatec, San Jerónimo Tecóatl

Translation by: Wycliffe Bible Translators, Inc.

Mazateco, San Jerónimo Tecóatl [maa], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, San Jerónimo Tecóatl

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

9f778253-d34e-5037-af35-7bca16479aa0